



## ჩვენგან არ არის ის, ვინც ჩიტების ფრენით იმკითხავა ან ის ვისაც უმკითხავს (ჩიტების აფრენით), ვინც იმკითხავა ან ვისაც უმკითხავს, ვინც ჯადო გააკეთა ან მივიდა ჯადოქართან

'იმრან იბნ ჰუსაინი (აღლაჰი იყოს მისით კმაყოფილი) გადმოსცემს, რომ აღლაჰის შუამავალმა (აღლაჰის ლოცვა და შვიდობა მას) თქვა: «ჩვენგან არ არის ის, ვინც ჩიტების ფრენით იმკითხავა ან ის ვისაც უმკითხავს (ჩიტების აფრენით), ვინც იმკითხავა ან ვისაც უმკითხავს, ვინც ჯადო გააკეთა ან მივიდა ჯადოქართან, ვინც მივიდა მკითხავთან და დაიჯერა ის, რასაც ის ამბობს, მან უარყო ის, რაც გარდმოვევლინა მუჰამმადს (აღლაჰის ლოცვა და მშვიდობა მას)».

[კარგი (ჰასანი)] [გადმოსცა ალ-ბაზზაარმა]

შუამავალმა (აღლაჰის ლოცვა და შვიდობა მას) დაემუქრა მას მისი უმეთიდა იმას, ვინც მაღლა ჩამოთვლილ ქმედებს ჩაიდენდა და თქვა: "არ არის ჩვენგანი". ეს ქმედებებია: პირველი: ვინც ჩიტების ფრენით მკითხაობს ან მისთვის მკითხაობენ მათით", ამ მკითხაობის არსი შემდეგში მდგომარეობს: ფრინველის გაშვება რაიმე საქმის დაწყებამდე, იქნება ეს მოგზაურობა, ვაჭრობა თუ სხვა რამ. თუ ფრინველი მარჯვნივ გაფრინდება, ადამიანი ამას მიიჩნევს კეთილ ნიშნად და განაგრძობს განზრახულ საქმეს, ხოლო თუ მარცხნივ — ცუდ ნიშნად და თავის განზრახვაზე უარს იტყვის. დაუშვებელია ამის გაკეთება საკუთარი ინიციატივით ან სხვას დაავალო. ამაში შედის ცრურწმენა ნებისმიერი საგნის მიმართ, იქნება ეს გაგონილი თუ დანახული, ფრინველები, ცხოველები, შეზღუდული შესაძლებლობების მქონე ადამიანები, რიცხვები, დღეები თუ სხვა რამე. მეორე: "ვინც იმკითხავა ან მას უმკითხავს", ეს ეხება მათ, ვინც ამტკიცებს, რომ მომავალზე ინფორმაცია აქვს, იყენებს რა ვარსკვლავების განლაგებას ან სხვა მეთოდებს. ასევე, ეს ეხება ადამიანებს, რომლებიც მიმართავენ მათ, ვინც ამტკიცებს, რომ მომავალზე ინფორმაცია აქვს, როგორც არიან მარჩიელები და სხვები. ისინი, ვინც სჯერათ მათი განცხადებების მომავალზე ცოდნის შესახებ, ამით გამოხატავენ ურწმუნოებას იმაში, რაც მოვევლინა მოციქულ მუჰამმადზე (აღლაჰის ლოცვა და მშვიდობა მას). მესამე: "ვინც ჯადო გააკეთა ან გააკეთებინა" ეს არის ვინც თვითონ აკეთებს ჯადოს, ან დაავალა სხვას მისთვის ჯადოს გაკეთება; მისით სხვისთვის ბარალის ან სარგებლის მოსატანად, ან განასკვა ნასკვი თოკის გადაკოჭვით და გააკეთა მასზე ჯადო, აკრძალული საკითხავების წაკითხვით და შემდეგ მასზე სულის შებერვით.

النجاة الخيرية  
ALNAJAT CHARITY

